

O Fea o Iai Ē ua Maliliu? (Vaega 1)

E faavae mai i le mataupu 6 o le tusi *O ā A'oa'oga Moni a le Tusi Paia?* o loo maua i le www.jw.org/sm.

MEA E FAI: Iloilo ou talitonuga ma le māfuaaga ua e talitonu ai, iloilo a'oa'oga a le Tusi Paia, ma vaai pe faapefea ona e faamatala atu ou talitonuga i isi.



O LE Ā E TUPU PE A TATOU FEOTI?

1 ILOILO OU TALITONUGA

O ā ni faamatalaga a isi tagata e ono fai mai?

O le ā **lou** talitonuga?

Aiseā ua e talitonu ai i lenā manatu?

2

ILOILO LE A'OA'OGA A LE TUSI PAIA

A tatou feoti, tatou te lē o toe feola i se isi nofoaga.
(Taga'i i le mataupu 6 o le tusi A'oa'oga *Moni*, palakalafa 1-6.)

Faitau le Failauga 9:5, 10.

E faapefea i nei mau ona faamaonia ai e leai so tatou agaga e lē mafai ona oti?

E faapefea ona e faamatalaina le manatu, pe a maliu se tasi e lē ola pea o ia i se isi nofoaga?



A tapē se afi, e lē toe mumū i se isi mea. A oti fo'i se tasi, e lē ola pea lona agaga pe ola o ia i se isi nofoaga

O le oti e tai pei o sē ua moegase e aunoa ma ni miti.

(Taga'i i le mataupu 6 o le tusi A'oa'oga Moni, palakalafa 7, 8.)

Faitau le Ioane 11:1-14.

O le ā sou manatu, aiseā na faatusa ai e Iesu le oti i le mālōlōga?

Faitau le Luka 8:52, 53.

E faapefea i nei fuaiupu ona faamaonia atili ai o le oti e tai pei o le moe?

Aiseā e te talisapaia ai lou iloa o le mea moni e tupu iā i tatou pe a tatou feoti?

3

FAAMATALA OU TALITONUGA

PE A FAAPEA MAI SE TASI . . .

E ola pea le agaga pe a oti.

E TE ONO FAAPEA ATU . . .

E a'oa'oina e le tele o lotu lenā talitonuga. Ae e ese mai lo'u talitonuga ona . . .

O le ā se mau e te ono faitau i le tagata?

E faapefea i le iloaina o le manatu o le tagata, ona lua fefulifulisa'i ai i lenā mau?

PE A FAAPEA MAI SE TASI . . .

E faasalaina e le Atua tagata i le afi i Seoli.

E TE ONO FAAPEA ATU . . .

E sa'o o le a faasala e le Atua tagata amioleaga. Peita'i ou te lē talitonu e na te faasalaina i latou i le afi i Seoli ona . . .

O le ā se mau e te ono faitau i le tagata?

E faapefea i le iloaina o le manatu o le tagata, ona lua fefulifulisa'i ai i lenā mau?
